

bien. Treschiers et bons amis, s'aucune chose voulez que puissions faites le nous savoir et nous le ferons de bon cuer. Notre Seigneur soit garde de vous. Escript à Bourges, le vij^e jour de mars (1427, n. s.).

Le conte de Richemont, connestable de France.

Signé : ARTUR.

Et plus bas : GILET.

DU CONNÉTABLE.

A noz treschiers et bons amis, les gens d'églisé, bourgeois et habitans de la ville de Lyon.

Treschiers et bons amis, des nouvelles de pardeça. Hier, vers une heure après-midi, nos gens frapperent sur le siege de Montargis ou, la mercy Notre Seigneur, ilz besongnerent tres bien, car ilz desconfirent troys des sieges. Et y ont esté mors et prins grant nombre d'angloys entre lesquels estoient le conte de Warvich et Lapoule (1). Et ne scet l'on encores qu'ilz sont devenuz et ont nos dites gens mit grant quantité de vivres dedens le dit lieu de Montargis. Et en oultre out esté gaignées ceste sepmaine sur les ennemis les places de Marchesnoir et de Montdoubleau. Auquel lieu de Montdoubleau a esté gaigné belle artillerie, laquelle les angloys y avoient lessée, esperant mectre le siège à Vendosme. Et y ont esté mors et prins les angloys qui y estoient. Si vous prions que vueillez remercier Notre Seigneur de la grace que parce il a faite à Monseigneur le Roy, à vous et à tout son royaume. Treschiers et bons amis, Notre Seigneur soit garde de vous.

Escript à Jargueau, le vj^e jour de septembre (1427).

Le conte de Richemont, connestable de France.

Signé : ARTUR.

(1) William Pole.